

巡撫河南等處地方提督兼理河道都察院右副都御史  
續修志書以存文獻事照得郡邑有志必修必  
徵始足傳後其間博而不支簡而能盡彬彬大  
雅上之可列于職方下之可藏于石室蓋有關  
于政治者非淺也豫省當天下之中道風俗均  
古聖先賢大半發跡于斯則軒輶所至未有不  
訪其故實者而郡邑之志已三十餘年莫之增  
修其爲遺漏者多矣又昔年修志並取備文未  
加考訂或限以數目或所記非人本都院逐一

查閱府志如河南南陽縣志如宜陽河陰蘭陽  
等志荒悖失倫莫可枚舉至于安陽汲縣潁  
德衛輝兩府首邑竟無志書尤爲缺典今本都  
院已將通省志書設局修正而各府州縣所送  
續冊未能畫一又通志所載限于定格不能如  
府州縣之詳則三十餘年所遺者十之六七自  
此漸遠漸至凋殘文獻無徵何嘗敢言知此三  
十年皆我

皇上生聚教養之所培膏其戶口日增土田日闢

治隆而風俗厚矣祥見而官民警安可不大書  
特書以爲一代盛典哉擬合通行續修爲此牌  
仰該縣官吏照牌事理卽延擇文學名儒熟知  
典故長於史事者博採典故章蒐羅遺軼其舊志  
未載者一一補之舊志之外譌者悉改正之不  
得以同名疑誤相沿不得以稗官小說攙入本  
都院又恐各屬參差不齊未歸畫一將凡例開  
明粘單于右悉照此爲規程若夫叙論之古雅  
典茂俱屬才人之大筆在乎各自留心稿成先

叙

治邑如治家然筐篚蕒米鹽雜細皆有籍記可以考按而知其多少則婢隸無所容其蠹邑鉅矣土田戶口財賦丁徭川原林麓阡塞關梁非直如筐篚蕒蕒米鹽雜細已也少不措意而啟猾心其爲民生毒有不可勝言者甚而脾梁之桑禍延兩國甌脫之墟亂階數世藉第令有方幅之田歸而視諸故府豈有此患乎故夫邑志者是亦長吏治家之籍記也竊如楊明府曠世才也一門伯仲俱列清班明府奉太公

上蔡縣志

叙

三

遺訓獨起家爲令涖蔡四載十奇流譽百廢俱興閭以其暇手葺邑志成若干卷而屬右史氏爲之序予惟占之爲史者皆長子孫不敢傳舍其官而家視之凡民生之登耗閭閻之欣戚害利之源流以及農桑蚤晚燥濕寒暄候蟲時鳥草榮木落之纖細無不察其情形而紀之於書以垂永久讀豳風七月之詩想見上下相親之世焉後則不然其初捧檄也已有速化之心簿書期會止循故事其視一官如野鹿標枝秋蓬斷梗而郡有錫山不知貽笑千秋萬世也予讀

茲編而見明府之用心其理一邑雖溝涂之細道里  
之末封壤之繡錯徭編之蠲脣婚姻祈賽鄙夫婦之  
少不近禮者無不事爲之制曲爲之防一一皆有章  
程可以考按而爲蔡人無窮之利蓋由一時表帥豫  
州者上自

大中丞藩臬下逮郡伯仰體我

皇  
上愛養元元至意爭自濯磨以實心行實政而明府  
服官親民若性尤不敢苟如此吁明府則可謂家視  
其邑者矣夫著書之難莫難於志昔人謂史之失也

上蔡縣志

叙

四

自遷固始也辭繁而志寡陳壽三國李延壽南北二  
史皆史之良也而俱不作志使一代制度沿革氓焉  
無稽識者恨焉其他諸史雖皆有志在在不知體要  
最陋無如歐陽鮮于氏宋志十倍於唐權礬權茶鄙  
哉其細已甚而煩蕪乃至累帙成何典要乎明府茲  
編中詳畧劑輕重稱質文而一篇之中三致意焉都  
歸於吏治民生維風厚俗之大他志首列入景十景  
圖直孟益觀耳明府力芟之而著臺瓦廟諸圖卽附  
古蹟中何其大方也而他可知矣今

天子弘開史席蘭臺纂紀固不乏人然安得如明  
與之周旋左右於其中則一代大典必有可觀者  
以理縣譜當治家之籍記已哉

康熙二十九年歲次庚午冬十月

日講官起居注翰林院編修年家眷弟張希良頓首  
題

康熙二十八年冬邑侯楊公涖蔡四載政教翔洽百  
廢具典獨是舊志闕畧鄙俚幾成穢史乃亟申請  
大中丞而釐定之謂沐邑人也齒又加長屬之草創  
設館備資購致載籍復令士民採錄軼事闡微發幽  
沐於是借文學五六人披覽討論剔抉蒐羅越明年  
春而稿成進之於公公復加以修飾無間暑寒又十  
閱月而闕者無弗補矣畧者無弗詳矣鄙者易之以  
文俚者進之以雅矣因呈諸

上蔡縣志

叙

六

大中丞請潤色之付劄劄氏沐因以草創之意序於  
稿端曰蔡之書足以憲古而鑑今者數大事而已始  
乎著龜義文周孔緣之作易開物成務肇啟文明於  
斯志也可以通大道焉粵自蔡仲率德改行成王命  
之侯茲東土則固以忠孝造邦者也於斯志也可以  
悟遷善焉孔門大賢七十蔡得五人程門高弟四人  
蔡得一士於斯志也可以知學問之淵源矣循吏始  
自漢初而上蔡吳公稱治平第一名宦後先接踵而  
昭父杜母咸顯庸此亦於斯志也可以觀政事之

尚矣然此特昔之已事耳若今日之蔡志更有事  
勝書者我

朝定鼎四十餘年涖茲土者大都因陋就簡不殊厥  
國之舊自楊公下車以來百務爲之改觀如蔡地素  
多水患公每於農隙之時率其民以事疏濬成大小  
溝澮百一十道蔡於是乎有年公復手紀一編次第  
其源流使後來者可按籍而稽曰此治蔡之急務也  
而溝洫有志矣賦稅下係民命上關

國本蔡自兵燹之後版圖煨燼疆界不正訟獄滋多

上蔡縣志

叙

七

公則力行勘驗正其經界均其賦役誠一日之勞萬  
世之利也而田賦有志矣學校所以興賢育才舊制  
多有未備兼之風雨飄搖幾至棟折榱崩也公乃大  
爲鼎新之輝煌宏麗甲於中州而又建魁樓文昌閣  
於城之東隅摩雲扶霄極巍煥之盛且建上蔡書院  
於城之西偏隆起門墻疊爲堂序置田贖給率士子  
講習其中卽以漆雕三子曹秦二子召杜二公顯道  
謝子祀於教養堂何可以不志建置著龜之鄉太皞  
氏之迹有焉數百年爲釋氏所竊據歷代勅賜祭田

書作桑門優蒲之供公乃毅然掃除掃述修明祠事  
視疇昔爲尤盛若孔子尼廟漆雕祠墓向幾淹沒勿  
彰矣公契買市中壞塏地宏開堂宇廣置祀田封其  
馬鬣人始知尊聖賢也向可以不志古蹟至於典禮  
一代之教化攸關諸如事神接物飲射讀法賓興慶  
賞之屬例應悉依會典載之邑乘以昭成憲者也而  
公一一遵行之爲之志典禮蔡蕞爾小邑文獻不足  
禮樂不興久矣鬼神之弗享也公則致敬盡誠登降  
有儀拜跪有節文廟之俎豆宮懸一倣闕里制近以

上蔡縣志

叙

八

聖王重道崇儒

符命郡縣考選樂舞生延師教習以志祭祀聲容制度  
盡美盡善庶幾禮明而樂備矣而又參定圖式傳之  
無窮爲之志祀典舊志災祥必書一過星變地震兵  
興水旱而止至若襲封策命慶賞刑威之事恒多所  
未詳茲特竊取春秋大旨一以編年收之於是巨細  
畢舉纖悉無遺也爲之志編年蔡之兩岡之氣居汝  
水之旁民生其開亢直樸畧易於化後或流於剽  
輕者漸漬於楚習使然也公思所以作新之明賞

同好惡不侮鰥寡不畏疆禦民且革面而革心也爲之志風土今夫華而不實語而不詳雖班馬操觚有不足以爲文者矣公於政治之暇博涉羣書謂箋表勅令皆朝綱國紀之謨詩賦箴銘皆理性修身之助傳紀序跋皆顯忠遂良之資或述或作務期一字一言金石可垂也爲之志藝文其餘若輿地若物產悉著貫是仍若選舉若爵秩若人物則各有增修諸如李斯之鴛黠翟方進之擅權劉巖之奸雄皆鄉黨所不齒者烏得賢然或文有足傳不以人廢或功有足

上蔡縣志

叙

九

錄不以耆掩姑並存之以示戒焉若乃仙釋之誕妄者則芟之佛寺之淫穢者則除之人其人廬其居善善惡惡庶不失作志之本意乎休愧不文觀公之修飾精詳暨大中丞之潤色典瞻益信文之不可以已也如是草創又何足述焉是爲序

康熙二十九年歲次庚午冬十二月

進士出身原任四川成都府資縣知縣治年家弟

人張沐頓首拜題

自成周有左右史記言記動漢法太史公位丞相上其重有如此者下至方國州邑莫不祖是意而蒐彙載籍以誌建置之源流暨風俗之淳澆人物之蔚起凡山川形勝古蹟土產與夫烈女仙釋率區分臚列歷歷具備炳然編牘是不可一日缺者也蔡邑豫州之域天文之角亢分野成王封蔡仲於此上古太昊氏畫卦肇啓文明遐哉杳矣然卦臺遺址蒼草環生竊龜浮遊神物迄今猶存若夫洪河流潤蒸爲人文

上蔡縣志

舊志叙

十

蔚爲國華匪直鴻功偉代表見當時試瞻平輿之几筵考顯道之鐘鼓志趣卓越理道淵闕皆足與尼父之絃歌相鳴和焉由斯以觀其地其人洵匪誌弗彰稽諸遑膠業有完帙矣逮兵燹之後宮室圖籍悉化灰燼而蔡又爲輶車輻輳地使氓氓攷鏡無聞觀風者過而問之則吏治不光辱在有司歲戊戌 部院賈公撫豫雅意振興檄下全屬纂輯修飾或採遺文於斷簡或訪舊聞於耆宿總之網羅今昔購求放失俾綱舉目張文質適宜斯堪不朽一時二千石金及

別駕嚴公李彭公咸鳳精課督期副大司馬感心  
然是役也非得人如劉知幾所謂兼才學識三者之  
長烏足勝任而愉快乎安得以一邑之紀述而小之  
耶客秋予承乏茲邑簿書執掌媿不能綴一辭將所  
為建置風俗人物山川之類竟任其滅沒與爰懇薦  
紳先生洎文學諸子廣搜博摭冒寒呵凍閱累月而  
始成續會子固有云知足以知難知之意文足以發  
難顯之情庶幾似之耳

順治己亥孟夏文林郎知上蔡縣事新田楊鴻羽序

上蔡縣志

舊志叙

十一

於公署之有恪堂

上蔡縣志凡例

志書之取簡潔嚴明尚已然縣志必詳於府府志必詳於省至一統志較省而加畧上蔡舊志久亡至順治己亥始以數人臆說草創一書遺漏殘缺不稱信史余特擇邑諸紳衿較嘗採訪將十閱月而書成雖僻地少所考證較前書稍詳蔡邑山川城郭皆循舊也其所謂古蹟風俗可因者因當革者革非理者不得入而爲之留順理者亦必進而登諸古如見廟書臺漆雕墓之類有關於聖教雖久經淹沒必竭力表彰

上蔡縣志

考上蔡自晉以前俱屬汝南郡劉宋元嘉中僑立司州於懸瓠城其故城在今上蔡黃埠之東汝陽金鄉舖之西至今栗洲在焉元魏改上蔡曰臨汝而移上蔡於懸瓠隋大業間復臨汝爲上蔡復移汝陽於懸瓠唐以後改爲蔡州于是懸瓠蔡州之事卽汝陽上蔡之事矣凡經載入汝陽志者不敢更入蔡志

汝河洪河澠水諸道皆非昔日史冊所載之故道

余細爲考訂親歷河源更訪諸故老尋其舊蹟悉載志內令後人知衝決補葺有所嚮往不徒爲紙上之談以塞責目前爲幸也

蔡地平行形處窪下洪汝兩河一遇西山水發波濤數十丈高出河身雖有隄防亦不能砥所恃者平素深濬濬洫分散其勢使其無所留滯建甌直下居民稍得聚處故於山川之後更立溝洫一志詳載闕縣水道後之君子讀此志而循故道歲爲修濬蔡人有厚望焉

上蔡縣志

凡例

二

余初蒞上蔡自上任以至祭享等例大小禮儀皆違古法心甚駭愕詢諸紳衿皆言兵燹之後文獻無徵禮崩樂壞久矣于是考諸律例叅之會典成帙入志庶幾按籍而求不致十分錯謬令其家諭戶曉知所適從

賦役在康熙二十年以前者文卷焚毀無存自二十一年以後爲準

里甲一縣之綱目也向大小多寡鄉里不均今特酌定地畝數目道塗遠近戶口繁簡聚三十六

里鄉長者舊從公會議編定界限各畫一圖備載四至列入志內毋使紊亂令其相友相助亦正經界之一端也

學宮書院皆教養士子之地學宮雖有而頽敗不堪書院僅存其名已無片瓦今學宮舊者既爲鼎新書院復改置西城內余五載辛勤凡學宮之祭器樂器及書院之義田院內之器皿永遠之條約俱載志內不厭鄙俚恐世遠年湮無從稽考也

上蔡縣志

凡例

三

上蔡雖爲古國實久戰之地蔡仲分封以後晉楚加兵本無寧處民性相習逞兇遂至流而爲盜如劉銀馬殷秦宗權之類是也查舊志原有災祥一志余遂著編年備述水旱兵凶之事使監古者亦足以警今云

名宦鄉賢流寓列女皆入人物凡從前在蔡州者不敢強爲牽引今據父老所傳舊志所載酌而錄之以存千古

藝文缺畧已甚其俚俗者又不堪選爲傳書茲據

其宿昔所存并現今所錄爾雅純粹分類成帙  
以足經國大業不朽盛事云

志以示信凡從前以訛傳訛者雖載在史冊亦必  
爲之校正如郡縣舊志載翟方進墓在華陂鎮  
土人相傳亦以翟方進墓去先賢漆雕開墓不  
數武指賢塚前土堆卽爲方進塚前任郎令因  
建二賢祠且作文以記其事余初蒞蔡謁漆雕  
子墓竊疑漢去周末遠何以方進身爲丞相歿  
後踞葬先賢塚前也及讀漢書翟方進傳其塚

上蔡縣志

凡例

四

在汝南後因翟義起兵討王莽兵敗莽令發方  
進及其先祖塚之在汝南者燒其棺槨彘及三  
族誅及種類皆同坑以棘五毒并葬之則是方  
進墓原未嘗在華陂漆雕墓前也今特拈出以  
正傳聞之訛非敢妄翻前人之案至於五女塚  
九女塚白雲洞之類未必非屬訛傳第證據未  
確不敢遽刪姑存之以俟後之君子考訂焉

毘陵楊廷望謹識

上蔡縣志目錄

第一卷

輿地志

沿革

星野

疆域

山川

風俗

古蹟

第二卷

建置志

城池

公署

儒學

祠廟

書院

倉庾

關廟

集鎮

上蔡縣志

目錄

一

郵置

漏澤

楔表

第三卷

溝洫志

溝渠

堤堰

橋梁

第四卷

食貨志

里甲

戶口

田賦

鹽法

物產

第五卷

典禮志上

禮儀

第六卷

典禮志下

祭祀

第七卷

爵秩志

封蔡列爵

蔡人封爵

知縣

縣丞

主簿

典史

教諭

上蔡縣志

目錄

二

訓導

驛丞

第八卷

選舉志

諸科

進士

舉人

明經

掾史

武職

地封

廕叙

第九卷

人物志上

名宦

周蔡世家

司馬遷